

雨
蝶
痕

下

蘇子卿

PDG

雨蝶痕傳奇下卷

商山浣霞子填詞

四香樓主人評訂

枉鞠 第十九齣

越調過曲

梨花兒

小淨冠帶上

昨日午堂喬坐衙犯

官解到逐名查。其中有個女嬌娃。咪惹我老爺虛火發。

自家大理寺張天綱是也。本貫永州人氏。身登黃甲。幸叨一第之榮。頭頂烏紗。狠作千年之調。且是

生平憎嫌剛直愛慕奸殘口其戟而舌其餘那管
他受傷之苦脅其肩而諂其笑惟圖我取媚之歡
現今職司大獄位列正卿百般刑具無非逞已行
頭各項律條盡是詐人圈套這也不在話下只是
前年喪偶尚未續絃昨日解到桂彬家屬有個女
兒韻如天姿國色心下十分要娶他但係欽犯有
涉嫌疑不當穩便整整思量了一夜得個妙計今
日勘問之時將他母子流竄廣西全州界內與我
永州名爲隔省寔係鄰封他去之後我亦任滿轉

遷不妨暫時告假歸家。成了姻事。然後赴任。有何不可。已是早衙時分。應該坐堂。衙役恰好來齊了。
襖扮皂快上 此處卽爲真地獄。本官便是活閻羅。

見介 請老爺出堂。小淨 左右。我曉得桂彬做人極

是剛厲。任太師尚且怕他。我那里與他淘氣。停會勘問。或是不肯跪。或是不肯招。把我來挺撞。不若先請聖旨。供在堂上。他便不敢放肆了。襖 老爺主意得是。小淨 聽我分付。

正宮過曲洞仙歌要搥卽便搥。要枷卽便枷。整備鐵

月明
二
粗共銅鐐。腦箍和脚榻。要夾也就夾。要殺他就殺。不
怕他。不怕。

〔襍〕只怕還要奏過聖上方好殺他。〔小淨〕呆奴才我
老爺虛張聲勢。只爲那桂老頭兒倔强。若審他母
子之時。也未免要做些威風。

前腔。你們不要聽着咱。不要嚇了他。叫打不要打。叫
罵不要罵。若是跪在丹墀下。與他一草把。〔襍〕這却爲
何。〔小淨〕恐他膝蓋兒疼殺。

〔襍〕老爺在桂彬便要嚴加拷打。在他母子便如此。

寬恕却是甚麼意思。

小淨

我老爺俱有來文的。重

處桂彬是罪坐家長。輕恕他妻女是罪人不孥。閒話已久。快開門。就將各項刑具擺列丹墀。先提他一起來勘問罷。

〔襍請旨押外三旦齊上外〕

待訊平

衡值暮秋。飄然怨雪已盈頭。孤忠早已知今日。老

大何堪作楚囚。

〔進見聖旨叫聖上跪介〕

小淨

桂彬

我今日奉旨勘問。你與流賊作夥事情。從實說來。免受刑罰。

泣顏回

外

這是平地起波查。有奸宄明明虛捏。

小淨

奸尤是那一個。外當朝首輔。小淨怎麼扯起任太

師來。外御怨我彈簡頻加。欲圖報復。生生的把禍

孽從空嫁。小淨交通流氓。是你一人之事。怎扳扯別

一個。外我守冰心兩袖清風。肯混迹萑苻戎馬。

小淨一味浮談。不打不招。左右。快與我着實打。做

扯打介小淨我曉得你親自尚未到他那邊。或是

朝廷有些機密軍務。或是郡省有些勦捕計謀。地

方之虛實利害。守訊之防禦疎虞。都是你傳消息。

息。送脚通風。這一定是有的。

前腔換頭

外

知他何處是蓼兒窪。有甚通番丸蠟。

小

淨

講得乾淨。難道一些影兒也沒有。

外

須知道謗

生薏苡。伏波曾受浮譁。

小淨

一味浮談。左右的再與

我打。

外

任你嚴刑夾打。赤淋淋。皮肉寧如鮓。

小淨

莫說我屈打了你。

檢本看介

你看這一本。是撫按

上的。這一本。是各科道上的。這一冊。又是各州府

縣。即報飛遞的。難道他們一個。見了鬼。都說些

鬼話不成。

外

憑他們。麪糊盆粉抹脂塗。葫蘆提影。

捉風拏。

〔小淨〕招也不招。〔外〕教我招甚麼來。〔小淨〕帶下去。與

洪氏母子上來。〔間老旦介〕你丈夫與流賊叛逆事

情。已曾招認。這樣犯法勾當。做妻女的勸阻他。終是我如今也不難爲你。你好好的細說與我知道。

〔老旦〕誣陷奇冤。天地昭察。我夫主心如皎日。不墮

行于冥冥。

石榴花。他提衡文憲坐官衙。怎向虎狼巢穴問生涯。

不須弓影認杯蛇。其間疑似可也有爭差。〔小淨問旦〕

〔介〕你父親都已招認。母親反抵賴起來。這是怎麼

說旦李晟自無竹可伐。曾參豈把人來殺。小淨兩

個婦人倒也會講。老旦難道女裙釵口竟無牙。請

將情理細詳察。

小淨你母子不招就要。老旦有甚麼招得。小淨

本該用刑。我老爺且留些情面帶下去。喚桂彬過

來。介你妻女一一招成。如今再賴到那裡去。

榴花泣。外朝廷法紀怎問女流家。我璠與拱璧肯受

汚名加。小淨還說是陷害你麼。外不是陷害。且問有

有指實有何証據。小淨你道沒有指証。故此口硬。

你在任之時。流賊何等猖獗。你一柵械來京。他們便沒了主意。都七零八落。東竄西逃。影也不見一個。若不是你居間調處。內外通同。何致你去賊來。你來賊去。這種情形。是顯然易見的了。更有何說。
外可恨流奴不勦。反誣扯起我來。忽然來去不除。他紛然聚散倒誣咱。
小淨打既不招。與我櫻起來。
外

我這滿腔熱血。一副形骸。少不得送與你們這些奸賊之手。只是我忠魂不化。寧爲厲鬼將賊殺。
小淨罵得好。罵得好。左右快與我敲。
外擗得個泣孤。

忠。雙。眼。成。環。看。奸。徒。賊。面。生。花。

小淨

你一身做事。死何足惜。但連累了妻女。千意。

何安。

石榴花

外

兒情女態。豈掛我眉。又死生散失。等浮花。

我那聖上。嗔痛我丹心。無補大官家。憂國事。向何。

處聞達

小淨

鬆了桎我。也不消你招。那反叛之罪。斷。

逃不去

外

賴汝臯。陶能執法。莫須有案如山。壓張。

天網。我曉得你是任賊一黨。因此上盡情虛架罪。

胡加要斷送我。去奉承他。

小淨 一發胡說。我這里從公據理入罪便了。看得

桂彬。平日包藏禍心。謀爲不軌。應該依律處斬。但謀而未成。姑減一等。發配邊遠充軍。妻孥流徙遠方安置。快些画供。

外

我鐵面冰心。怎甘受此枉譴。

小淨

桂彬。你好不曉事。前日聖上見了許多奏章。

恨不將你立時梟首。今我容些情面。從輕發落。回覆得旨意。也就罷了。你還不肯甘服。難道聖上特地差人來請你吃酒不成。

外

罷乚乚。總是奸徒圈套。我桂彬招也是死。不招也是死。只索由你罷了。

作圖供介

聖上

尾聲 我叩闍無路求天察。自問於心。沒有半點瑕。只這清白。畱將照劍華。

〔小淨〕

且收監。

〔襍押外三旦各下介〕〔小淨〕

這獄案聖

上自然依擬的。一面請旨。隨即備文書起解。叫當

該喚兩名解子過來。〔襍扮解子上〕身為南北解。終

日受官差。解子磕頭。〔小淨〕輪該是你兩個當差麼。

〔襍〕是。〔小淨〕叫甚名字。〔襍〕小人叫常行。他叫薊足。〔小

淨〕常行。這角公文該你解桂彬到關外泰寧衛投

遞要討地頭收管批遞。劄足這角公文該你押解桂彬家屬三人到廣西全州投遞。要討地頭收管批遞。還有句話分咐你。桂彬是忠義之臣。今日雖然如此。或有保留他的。也不見得家屬在路上。你不可放肆輕薄。如有此等情弊。定行重究。（禡應下）

（介）小淨關門。（衆應下）

雲暗九霄。坐致鼎淪泗水。此古今來一大悲憤也。雖重輪復皎。雨雪潜消。而元氣全漓。天心莫問。誰生厲階。至今爲梗傷哉。（吳日干）

泣別 第二十齣

仙呂過曲玉抱肚
〔解押三旦上〕有閨難叩兩三人
〔旦〕執女流
〔旦〕痛娘行白首顛連
〔老旦〕忍孩兒綠鬢蒙羞
〔旦〕更苦是椿庭萬里作邊囚
〔合〕怎禁得塞外風霜
步步憂

〔老旦〕解子哥我母子今日流竄遠方萬望一路照拂
〔襖〕這個自然
〔老旦〕敢問我夫主幾時起解
〔襖〕也是今日
〔老旦〕解子哥老身有句話說來不知從也不從
〔襖〕有何話說
〔老旦〕我一家事出無辜遭此慘

禍可容我與夫主一面。少盡夫妻父子之情。永訣死別生離之念。〔襖〕桂爺在前監。也是今日起解。我領你到獄門首去。候他出來之時。會一會罷。

前腔

〔解押外上〕

香生。枷杻戍蕭關。孑然遠投。我桂彬

呵恨不能手刃奸囚。反教人骨肉飄流。〔襖〕稟爺那獄門上外邊站的。像是夫人小姐。〔外望介〕遙看妻女

恁啾啾。一片剛腸。也未免繞指柔。

〔小旦〕

夫人老爺也出來了。〔各抱哭介〕

南昌引子。哭相思。

〔老旦〕

盆覆深冤何日剖。一家星散